



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorum Omnium Generalium Et Provincialium Collectio Regia**

Ab anno CCCXLVII. ad annum CCCCI.

**Parisiis, 1644**

IX. Qualiter ostiarii ordinentur.

**urn:nbn:de:hbz:466:1-15256**

V.

Subdiaconus cum ordinatur, quia manus impositionem non accipit, patenam de episcopi manu accipiat vacuam, & calicem vacuum. De manu vero archidiaconi, vrceolum cum aqua, & \* manti-  
\* aqua-  
manile, le, & manutergium.

V I.

Acolythus cum ordinatur, ab episcopo qui dem doceatur, qualiter in officio suo agere debat. Sed ab archidiacono accipiat ceroferarium cum cereo, ut sciat se ad accendenda ecclesiæ luminaria mancipari. Accipiat & vrceolum vacuum, ad suggerendum vinum in eucharistiam sanguinis Christi.

V II.

Exorcista cum ordinatur, accipiat de manu episcopi libellum, in quo scripti sunt exorcismi, dicente sibi episcopo: Accipe, & commenda memoriæ, & habeto potestatem imponendi manus super energumenum, siue baptizatum, siue cæchumenum.

V III.

Lector cum ordinatur, faciat de illo verbum episcopus ad plebem, indicans eius fidem, ac vitam, atque ingenium. Post hæc, spectante plebe, tradat ei codicem, de quo lecturus est, dicens ad eum: Accipe, & esto \* lector verbi Dei, habiturus, si fideliter & utiliter impleueris officium, partem cum eis qui verbum Dei ministrauerint.

IX.

Ostiarius cum ordinatur, postquam ab archi-  
Iibi. Ostia.  
Concil. Tom. 3.

Yyy

538 ANASTASIVS CONCILIVM ARCADIVS<sup>7</sup> HONORIVS<sup>7</sup> IMP<sup>7</sup>  
diacono instructus fuerit , qualiter in domo Dei  
debeat conuersari , ad suggestionem archidia-  
coni, tradat ei episcopus claves ecclesiæ de altario,  
dicens: Sic age, quasi redditurus Deo rationem pro  
his rebus , quæ his clauibus recluduntur.

X.

Ibi. Psal-  
mift.

Psalmista , id est , cantor potest absque scientia  
episcopi , sola iussione presbyteri , officium suscep-  
re cantandi , dicente sibi presbytero: Vide, vt quod  
ore cantas , corde credas : & quod corde credis ,  
operibus comprobes.

X I.

Ibi. Sancti-  
monialis.

Sanctimonialis virgo , cum ad consecrationem  
suo episcopo offertur , in talibus vestibus applicetur ,  
qualibus semper vsura est , professioni & sanctimo-  
niæ aptis.

X II.

Viduæ vel sanctimoniales , quæ ad ministerium  
baptizandarum mulierum eliguntur , tam instructæ  
sint ad officium , vt possint \* apto & fano sermone  
docere imperitas & rusticas mulieres , tempore quo  
baptizandæ sunt , qualiter baptizatori interrogata  
respondeant , & qualiter , accepto baptisme , vi-  
uant.

X III.

Dicit. 23.  
& jo. q. 5.  
Sponsus &  
spousa.

\* Sponsus & sponsa cum benedicendi sunt a sa-  
cerdote , a parentibus suis vel paronymphis offe-  
rantur. Qui cum benedictionem acceperint , ea-  
dem nocte pro reuerentia ipsius benedictionis , in  
virginitate permaneant.

X IV.

Dicit. 41.  
Episcopus  
vilem.

Vt episcopus non longe ab ecclesia hospitiolum  
habeat.